



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

**A-324/22**  
**10.10.2022. godine**

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, v.d. glavnog tužioca Tužilaštva – Tužiteljstva BiH donosi

**ODLUKU**  
**o izboru najpovoljnijeg ponuđača**

**Član 1.**  
**(Predmet odluke)**

Ugovor o nabavci računara za potrebe Tužilaštva – Tužiteljstva BiH, dodjeljuje se ponuđaču Artco group d.o.o. Sarajevo.

**Član 2.**  
**(Kriterij za dodjelu ugovora)**

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

**Član 3.**  
**(Stupanje na snagu)**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: A-324/22 od 06.09.2022. godine. Javna nabavka provedena putem otvorenog postupka. Procijenjena vrijednost nabavke je 41.025,64 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-1-1-230-3-19/22 od 07.09.2022. godine. Obavještenje o nabavci je objavljeno u Službenom glasniku BiH broj: 61 od 09.09.2022.godine. Do krajnjeg roka za dostavu ponuda, na protokol Tužilaštva – Tužiteljstva BiH blagovremeno su zaprimljene dvije uredno zapečaćene i neotvorene ponude: ponuđača Inter-com d.o.o. Zenica i ponuđača Artco group d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2022. godinu, broj: A-561/21 od 23.11.2021. godine, A-561/21-1 od 17.01.2022. godine i A-561/21-2 od 11.07.2022. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača Inter-com d.o.o. Zenica i ponuđača Artco group d.o.o. Sarajevo zadovoljavaju uslove tenderske dokumentacije i tehničke specifikacije, te se dostavljene ponude smatraju prihvatljivim. Ponuđena cijena ponuđača Inter-com d.o.o. Zenica iznosi 41.025,00 KM bez PDV-a, pouđena cijena ponuđača Artco group d.o.o. Sarajevo iznosi 41.025,00 KM bez PDV-a.

Dana 10.10.2022. godine u ovom postupku je održana e-aukcija na kojoj je ponuđač Artco Group d.o.o. Sarajevo snizio svoju cijenu za 0,1%, te cijena njegove ponude nakon e-aukcije iznosi 40.983,00 KM bez PDV-a, ponuđač Inter-com d.o.o. Zenica nije aktivno učestvovao na e-aukciji i cijena njegove ponude je ostala ista 41.025,00 KM bez PDV-a.

Shodno navedenom, članovi Komisije su uputili preporuku v.d. glavnog tužioca Tužilaštva – Tužiteljstva Bosne i Hercegovine za donošenje odluke o dodjeli ugovora ponuđaču Artco Group d.o.o. Sarajevo, čija je ponuda ocijenjena kao najjeftinija.

Uzimajući u obzir navedeno, odlučeno je kao u dispozitivu odluke.

#### **Pouka o pravnom lijeku:**

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



Dostavljeno:

- Ponuđačima;
- Odjelu za mat.-fin. poslove.